



Дагъдин булах

Сад хьухь, Дагъустандин халкьар!

1931-йисалай акъатзава

Горный родник

Къурагъ райондин общественно-политический газет

(ХЕМИС) «19-ЯНВАРЬ» «2017-йис» «№2» (7454) «маса гудай къимет 2 манат»

Гьяфтедин нетижаяр къуна

Прессадин сувар

16-январдиз "Къурагъ район" муниципальный тешкилатдин кьил З.Азизова райадминистрациядин актовый залда райондин идарайрин руководителрихъ галаз совещанин кьиле тухвана.

Совещанидал хейлин идарайрин руководителар рахана.

Культурадин ва информациядинни печатдин центрдин начальник Абдулкадир Будаева кьейд авурвал, Центри пландал асаслу яз Къвалахзава, "Дагъдин булах" газетдин 1-нумра подписчикрив ахгакъар хъувунва, алаатай йисуз гьихьтин Къвалах кьиле тухванватла ва алаатай йисуз гьихьтин Къвалах планламишнаватла отчетар гъазурнава, газетрин подписка авунин план гьеле хъанвач.

Пенсионный фондунин отделдин начальник Агъмед Назаралиева лагъайвал, январдин вацран пенсияр гузва, адахъ галаз компенсация яз гузвай вал агъзур манат пуларни гузва, компенсация гун тавурбурни ава, абурузни вахкуда.

Райондин финансовый управленидин начальник Бахтияр Ибрагимова кьейд авурвал, къабудай бюджет эк-

спертизади ракьурна Къанзава, декардин вацран мажиб гьеле ганвач, и йикъара ахъайда лаганва.

Райондин образованидин отделдин начальник Рамазан Катибова информация гайвал, Гелхен дерада авай школайра Келзавай аярин чирвилер, муаллимрин Къвалах ахтармишна, алаатай вахтунда республикадин олимпиададин этап башламишнава, вири школайра ЕГЭ-рин гъакьиндай диде-бубайрихъ галаз гуьруьшар кьиле тухузва.

Ветуправленидин начальник Надир Асланова лагъайвал, службади графикдал асаслу яз Къвалахзава, Махачкъаладай лазим дарманар хкана Къанзава, алаатай ял ядай йикъара рапар яна.

Совещанидал винидихъ рахайбурулай гьейри гъакI ЦЗН-дин начальник Гъажихан Гъажиханов, КЦСОН-дин директор Руслан Гъасанов, рекъерин участокдин начальник Лазир Агъбаалаев ва масабур рахана.

З.Азизова вири руководителрихъ чпин работникри налог гуниз ва подписка авуниз фикир гун тгъкимарна.

Райондин кьили сувар мубаракна

13-январдиз Россиядин печатный изданийрин вири работникри чпин пешекарвилин сувар кьейдна. Гъа и жергеда аваз "Дагъдин булах" га-

Хариева, "Къурагъ район" муниципальный тешкилатдин кьилин общественный хата-сузвал хуьнин рекъяй заместитель Альберт Исаева, рай-



Важиблу гуьруьш

Алаатай гьяфтеда "Къурагъ район" муниципальный тешкилатдин общественный хата-сузвал хуьнин рекъяй заместитель Альберт Исаев райондин имам Шамиль Омаро-

авун тир.

И пландал асаслу яз Ярагъ Мегъамедан уьмуьрдикай ва адан Къвалахдикай школьникрин арада конкурс кьиле тухуда.



вахъ галаз гуьруьшмиш хъана.

Гуьруьшмиш хуьнин кьилин макъсад акъалтзавай несил ватан-пересвилин руьгъдик кваз тербияламишунин ва руьгъдинни эдебитдин Къвалахдин план веревирд


Альберт Исаева района диндин рекъяй Къвалах тухуниз райондин администрация гъамиша куьмек гуз гъазур тирди лагъана.

А.Рамазанова.

зетдин работникрини и сувар шад гъалара кьейдна.

"Дагъдин булах" газетдин пешекарриз сувар "Къурагъ район" муниципальный тешкилатдин кьил Замир Азизова мубаракна. З.Азизова газетда Къвалахзавай работникрин тупламишвал генани хкажна, коллективда арадал атанвай дуствилин алакъаяр инлай куьлухъни хвена, хайи райондин газетда Къвалахдай къуватар, хизанра берекат, меслягвал хъана Къанзавайди лагъана. Инлай куьлухъни газетдин работникриз райадминистрациядин патай жедай куьмек гуз гъазур тирди кьейдна. Газетдин работникриз райадминистрациядин аппаратдин руководитель Фикрет Медетова, "Къурагъ район" муниципальный тешкилатдин кьилин заместитель Махач

ондин Культурадин ва информациядинни печатдин центрдин начальник Абдулкадир Будаева, райондин прес-центрдин руководитель Фахрудин Мирзоева, "Дагъдин булах" газетдин кьилин редактор Алван Рамазановади, "Дагъдин булах" газетдин жавабдар секретарь Фазина Мегъамедовади мубаракна. Абуру чпин патай "Дагъдин булах" газетдин работникриз Къвалахда агалкъунар, хизанда берекат, алаатай четин девирда гъар садаз сабурувал хуьрай лагъана.



Мубаракрай!

Чи районэгли, КИрийрин хуьрай тир жегьил шаир Мегъамед Ибрагъимов "Лезги газетдин" кьилин редактор яз тайинарнава. Республикадин газетар тир "Илчи", "Елдаш" ва "Лезги газетдин" кьилин редакторар хягъуниин конкурсе кьиле фена.



Шад жедай кар ам я хьи, 11-январдиз кьиле тухвай конкурсада 17 конкурсантдикай Мегъамед Ибрагъимов гъалиб хьана.

Чна Мегъамед Ибрагъимов аз адал ихтибарнавай Чехи кьул-лугъ тебрикзава.

Чун гзаф шад я милли газетдин кьилин редактор чи районэгли хьунал. Жуван хайи чIал патал хайи халкъ патал акъудзавай газетдихъ куь регьбервилек кваз агалкьунар хьурай! Поэзиядин реке агалкьунарин гурарай хьаж

хьурай. Хизанда берекатди, меслятвили ва сагъламвили агъавал авурай.

Мубаракзавай бур ваз гьурметзавай "Дагъдин булах" газетдин рабонникар я.

М.Ибрагъимов

Хьуьтлуьн йиф

Хьуьтлуьн йиф я, зун кьаншарда пенжердин, Ацукьнава кьаравул хьиз мичлерин. Рикел хкиз декьикаяр сегердин, Иеси тир дагъви рушан киферин.

Кьуд пад лал я, анжах зи рикI секин туш, Кузва тIалди муьгьуьббатдин хер алай. А дагъви руш мад заз акун мумкин туш, Вилер чулав, сивел милли хьвер алай.

Хиялри зун регъвез ава ялгъудиз, Хьуьтлуьн йифни юлдаш яз захь галама. Гъайиф, гъайиф, и дуьньяда бахтсуздиз, Зун мичлерин иеси яз амазма.

ГАТФАРИЗ

Чи дагъларин кукIушрилай жив цIраз, Кьурагъ вацай селлер фида гатфариз. Никлеризни шадвилерин кьив галаз, Кьвалах ийиз эллер фида гатфариз.

Кьушарни чаз мугъманар яз хкведа, Экуьн сегер хайи хуьрел элкведа, Лежбер итим багъ-оустандихъ гелкведа, Кьаз акъатай никлер жеда гатфариз.

Цуькверин ни аваз жеда багълара, Кфилдин сес гьат хьийида дагълара, Чубарукрин ванер аваз япара, Зегьметчийрин мехьер жеда гатфариз.

Гатфарикай нагьма лугъуз нуьквери, Шадвални хьвер гьисса халкъдин риклери, Зегьмет чуьгваз гелкьвенавай никлери, Зулуз гурлу бегьер гьида халкъариз.

ВАФАСУЗ ЯРДИЗ

Зи рикI дертлу, ви рикI шад я,
Вун гьамарикай азал я,
ГьакI ятлани зи мурад я,
Вун бахтлу хьун клани гуьзел.

Пак ниятар дердер хьана,
Дуьньядикай зи пер хана,
Зи кьисметдал на хер гьана,
Зи шад гуьгьуьл хайи гуьзел.

Кьурана зи ашкьид булах,
Муьгьуьббатдин кузмач чирагъ,

Никай кьада за заз даях?
Гьиссериз клур гайи гуьзел.

Мегъамед ваз вуч акъвада?
Вуна даим дерт чуьгвада.
Рагъ лагъанай ваз хатадай,
МуркIадилай кьайи гуьзел.

Жегьил шаир сефил туна
На никай ваз маил кьуна?
Мал-девлетда на вил туна
Гьейридаз яр хьайи гуьзел.

РикIин тIал

Гьич садрани алудмир на рикелай,
На заз гайи тIал зи рикле амуькда.
Анжах вуна нагъв гьиз тахъуй вилерал,
Ам зи рикихъ са хьел хьана галуькда.

Зи багърийри хьажна хьиз кьуьнерал,
Тухудайла магъфедаваз суруз зун.
Гьар са касди накъвар алаз вилерал,
Авурддайла мидаим яз фуруз зун.

Гьа чIавузни зи азизди, ширинди,
Ашкъидин тIал, агъ зи рикляй акъатдач.
Магьрум хьайтлан ви гьиссеркай кьизгьин тир,
Зи руьгъ вавай гьич садрани кьакъатдач.

Зи сураллай пак накъвариз теменар,
Гуз атайла, вун шехьмир чан, кланиди.
Чан аламаз кьисмет тахъай беденар,
Рикел хкиз, зун негьмир чан, кланиди.

Тахсир зид туш, тахсир залум кьисмет я,
Тагай чаз югъ санал жедай уьмуьрда.
Ам кьисмет туш, ам хифет я, зиллет я,
Гьич суранни акъат тийир фикирдай.

Анжах са кар, на кланиди, рикел хухъ,
Зи ашкъидин сагъиб вун тир дагIана.
Ваз минет я, зи шикил на гьилел хухъ,
ГьакI килигиз, анжах умуд дагIана.

Руьгъдин хер

Жегьилзамаз шадвилкай,
Магьрум хьайи шаир я зун.
Кланибурун садвилкай,
Фикирзавай факъыр я зун.

Эй бейвафа, зи яр, гуьзел,
Вакай куьз зун магьрумзава.
Вучиз вуна жегьил рикел,
Гьамар, дердер алцумзава.

Ваз чизва хьи вун галачиз,
Яшамш жез четин я заз.
Экуь дуьнья вун авачир,
Гьамшалугъ серин я заз.

Чиз хьайила вучиз вуна,
Жаваб це заз, кузва зи рикI,
Зи севдуьгьум, зи яр суна,
Зун вахъ даим хьанва гьарикI.

Дава тежес сугьул хьана,
Агъ, зи рикле хер хьанова.
Руьгъдин гьиссер рагъул хьана,
Дуьньядикай зи пер ханва.

Зи рикI, диде

Эй рикI, диде, чун хуьрел элкведа,
Кьушарни чаз мугъманар яз хкведа,
Лежбер итим багъ-оустандихъ гелкведа,
Кьаз акъатай никлер жеда гатфариз.

Цуькверин ни аваз жеда багълара,
Кфилдин сес гьат хьийида дагълара,
Чубарукрин ванер аваз япара,
Зегьметчийрин мехьер жеда гатфариз.

Гатфарикай нагьма лугъуз нуьквери,
Шадвални хьвер гьисса халкъдин риклери,
Зегьмет чуьгваз гелкьвенавай никлери,
Зулуз гурлу бегьер гьида халкъариз.

Жаваб це заз, кузва зи рикI,
Зи севдуьгьум, зи яр суна,
Зун вахъ даим хьанва гьарикI.

ДАГЪДИН БУЛАХ

ТЕШКИЛАЙДИ:
Райондин администрация

УЧРЕДИТЕЛЬ:
Администрация района

КЪЛИН РЕДАКТОР
А. Г. РАМАЗАНОВА

ЖАВАБДАР СЕКРЕТАРЬ
Ф. С. МЕГЪАМЕДОВА

ОТДЕЛДИН РЕДАКТОР
М.Н. АГЪМЕДОВА

ВЕРСТКА ИЙИЗВАЙДИ
И. Г. ЮСУПОВА

Газет "Дагъдин булах" редакциядин компьютер-
рин базада КьватIна, верстка авуна, райондин
"Дагъдин булах" чалканада чина.
Газета набрانا и сверстана на компьютер-
ной базе "Горный родник".
Газет чап ийизвай вахт-14.00
Чап ийиз вахкана- 10.00

368180, Кураэхский район
с. Курах.

Газета отпечатана в Кураэхской районной
типографии "Горный родник".

Адрес редакции и издателя:

368180, Кураэхский район,
с. Курах, ул. Назаралиева, 4.

Индекс 51358
Тираж 1004

Редакциядинни макъалайрин авторрин фикир-
сар сад тахун мумкин я. Макъалайрин, абур
гъизвай делирин дуьвилдин патахъай жаваб ав-
торри чпн гуд. Макъалайриз рецензияр гуьвач
ва абур элкьвена вахкуьвач. Мадни, чпин макъа-
лайра дегшивилер тунал, кьилер дегшарунал
рази тунир муьбиривай чна абур редакциядиз
ракур тавуи Чалабава.

Газет массовый информациядин ва печатдин
такъатар регистрацая ийидай ва Дагъустан
Республикада абурун гьакьиндай Россиядин

Федерациядин законар кьилдиз акъудулал гуь-
чивалдай Региональный управленияди реги-
страция авуна.

Газета зарегистрирована Южным окружным
межрегиональным территориальным управ-
лением.

Регистрационный номер

ПИ № 10-4947
от 20 февраля 2003 года

РЕДАКЦИЯДИН АДРЕС:

368180, Кураэхский хуьр,
Назаралиева куьче, 4.
тел.: 22-0-61